



საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის
წ ა რ მ ო მ ა დ გ ე ნ ლ ო ბ ი თ ი ს ა ბ ჭ ო

გ ა დ ა წ ყ ვ ე ტ ი ლ ე ბ ა №07-01/40

ქ. ბათუმი

19 ივლისი, 2022 წ.

ბსუ-ს პროფესიული გადამზადების პროგრამის „ლაბორატორიული ჯანმრთელობა და უსაფრთხოება“ პირველი 50 მსმენელისათვის განხორციელებისათვის გასატარებელი ღონისძიებების შესახებ

„უმაღლესი განათლების შესახებ“ საქართველოს კანონის მე-18 მუხლის, ბსუ-ს წესდების მე-10 მუხლის, „ბსუ-ს პროფესიული განათლების მიმართულებით პროფესიული გადამზადების პროგრამის „ლაბორატორიული ჯანმრთელობა და უსაფრთხოება“ დამტკიცების შესახებ“ ბსუ-ს რექტორის 2022 წლის 02 მარტის N01-02/59 ბრძანების, „სსიპ - ბათუმის შოთა რუსთაველის სახელმწიფო უნივერსიტეტისათვის „ლაბორატორიული ჯანმრთელობა და უსაფრთხოება“ პროფესიული გადამზადების პროგრამის განხორციელების უფლების მინიჭების შესახებ“ პროფესიული მომზადების/პროფესიული გადამზადების პროგრამების განხორციელების უფლების მიმნიჭებელი საბჭოს 2022 წლის 27 მაისის MES 0220000548815 გადაწყვეტილების (საფუძველი - 27.05.2022 წ. N546693 ოქმის მე-6 ნაწილი; პროგრამის კოდი-01346; ეროვნული კვალიფიკაციების ჩარჩოს დონე - მე-5; მისაღები კონტიგენტი - 20), ევროკავშირის მხარდაჭერით მიმდინარე საგრანტო პროექტთან „ლაბორატორიული ჯანმრთელობის და უსაფრთხოების უწყვეტი განათლების (LLL) კურსები ახალგაზრდებისთვის აღმოსავლეთ და დასავლეთ საქართველოში (საგრანტო ხელშეკრულება ENI/2020/417-316) კოორდინატორის ნინო ინასარიძის წერილის (ბსუ-ში შემოსვლის N808316; 15.07.2022), ბსუ-ს პროფესიული პროგრამების მართვისა და უწყვეტი განათლების ცენტრის სასწავლო პროცესის მართვის მენეჯერის 2022 წლის 14 ივლისის N808517 სამსახურებრივი ბარათის, წარმომადგენლობითი საბჭოს რეგლამენტის და სხდომის ოქმის (N07-02/04, 19.07.2022წ) საფუძველზე წარმომადგენლობითმა საბჭომ

გადაწყვიტა:

1. დამტკიცდეს ბსუ-ს პროფესიული გადამზადების პროგრამის „ლაბორატორიული ჯანმრთელობა და უსაფრთხოება“ პირველი 50 მსმენელისათვის განხორციელებისათვის გასატარებელი ღონისძიებები თანდართული რედაქციით (დანართი 1).

2. გადაწყვეტილება გამოქვეყნდეს ბსუ-ს ვებგვერდზე (ველებში: „წარმომადგენლობითი საბჭოს გადაწყვეტილებები“, ბსუ-ს პროფესიული პროგრამების მართვისა და უწყვეტი განათლების ცენტრი“ და ამ ცენტრის „მარეგულირებელი აქტები“.
3. გადაწყვეტილება დაეგზავნოს ბსუ-ს მართვის ორგანოებს, რექტორის მოადგილეებს, ფაკულტეტებს, დამოუკიდებელ სამეცნიერო-კვლევით ერთეულებს, საქმისწარმოების სამსახურს (კანცელარია), იურიდიულ დეპარტამენტს, პროფესიული პროგრამების მართვისა და უწყვეტი განათლების ცენტრს, საინფორმაციო ტექნოლოგიების სამსახურს და საფინანსო-ეკონომიკურ დეპარტამენტს.
4. გადაწყვეტილება ძალაშია ხელმოწერისთანავე.
5. გადაწყვეტილება შეიძლება გასაჩივრდეს მისი ბსუ-ს ვებგვერდზე გამოქვეყნებიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

**წარმომადგენლობითი საბჭოს სპიკერი,
პროფესორი**

დავით ბარათაშვილი

**ბსუ-ს პროფესიული გადამზადების პროგრამის „ლაბორატორიული
ჯანმრთელობა და უსაფრთხოება“ პირველი 50 მსმენელისათვის
განხორციელებისათვის გასატარებელი ღონისძიებები**

ბსუ-ს რექტორის 2022 წლის 02 მარტის N01-02/59 ბრძანებით დამტკიცებული „ბსუ-ს პროფესიული განათლების მიმართულებით პროფესიული გადამზადების პროგრამის „ლაბორატორიული ჯანმრთელობა და უსაფრთხოება“ (შემდეგში - პროგრამა) პირველი 50 მსმენელისათვის განხორციელების მიზნით გატარდეს შემდეგი ღონისძიებები:

1. გამოცხადდეს მიღება 2022 წლის განმავლობაში მსმენელთა 5 ნაკადისათვის (ჯგუფში/ნაკადში 10 მსმენელის გათვალისწინებით), მსმენელთა სწავლის საფასურის განსაზღვრის გარეშე (მსმენელთან გასაფორმებელ ხელშეკრულებაში, რომლის ფორმა დამტკიცებულია ბსუ-ს რექტორის 2020წლის 23 ოქტომბრის N01-02/39 ბრძანებით, „სწავლის საფასურის“ მუხლში მიეთითოს ჩანაწერი „მსმენელი პროგრამაზე სწავლისათვის არ იხდის სწავლის საფასურს (საფუძველი: წარმომადგენლობითი საბჭოს 2022 წლის 19 ივლისის N07-01/40 გადაწყვეტილება)“).
2. პროგრამაზე სწავლება განხორციელდეს ბსუ-ში, საგრანტო პროექტის „ლაბორატორიული ჯანმრთელობის და უსაფრთხოების უწყვეტი განათლების (LLL) კურსები ახალგაზრდებისთვის აღმოსავლეთ და დასავლეთ საქართველოში (საგრანტო ხელშეკრულება ENI/2020/417-316) ფარგლებში ბსუ-ს თანადაფინანსებით შექმნილი სადემონსტრაციო-სასწავლო ლაბორატორიის ბაზაზე, ამ პროგრამის განხორციელებისათვის, 50 მსმენელის სასწავლო პროცესის წარმართვისათვის თსუ-ს (პროექტის წამყვანი ორგანიზაცია/კოორდინატორის) მიერ გადმოცემული სასწავლო მასალების, პროგრამის განხორციელებისათვის საჭირო ბსუ-ს ადმინისტრაციული რესურსის (მატერიალური, საინფორმაციო, ადამიანური) გამოყენებით და ბსუ-ს პროფესიული პროგრამების მართვის და უწყვეტი განათლების ცენტრის ორგანიზებით.
3. პროგრამის განმახორციელებელი პერსონალის შრომის ანაზღაურება – 1თ-ში 10 ევროს ექვივალენტის ლარი (პროგრამით გათვალისწინებული - 60 საკონტაქტო საათი, სულ 5 ჯგუფისათვის შესასრულებელი შრომითი დატვირთვა - 300 საათი) ანაზღაურდეს საგრანტო ხელშეკრულების ENI/2020/417-316) ბიუჯეტის ფარგლებში, პროექტის კოორდინატორის ნინო ინასარიძის წერილის (ბსუ-ში შემოსვლის N808316; 15.07.2022) შესაბამისად, **სოფლის მეურნეობის სახელმწიფო ლაბორატორიის მიერ** (ბსუ-ს, დასაქმებულსა და **სოფლის მეურნეობის სახელმწიფო ლაბორატორიას** შორის დადებული წერილობითი შეთანხმების შესაბამისად (შეთანხმების გაფორმების ორგანიზება უზრუნველყოფილი უნდა იქნეს ბსუ-ს პროფესიული პროგრამების მართვისა და უწყვეტი განათლების ცენტრის მიერ)).